

nos, qui tulimus, fatemur ingenuè, non est
ficulneus, non marmoreus, non conjuga-
tus Deus noster, quemadmodum dii veltri,
sed invisibilis est, incomprehensa natura,
in spiritu nobis loquens, mentibus insi-
dens nostris, nil mortale, nil hujus mundi
habens. Cujus opera etiamnum sentires,
si hominem tam referres nobis, quam Bru-
tum. Et sentiam, clamat truculenta
voce Præses, tum longe majora tormenta
parat. Hic lectorem admonuimus, Histo-
riam esse hoc in loco variatam. Alii enim
plumbum calidum ori Sanctorū infusum, a-
lli rotis inflexos omnibus ruptis membris,
nonnulli candente unco laceratos scri-
bunt. Ego postremum facilius crediderim,
nam rotis ita tortos, ut hodie Germani &
Helvetii latrones plectunt, à Romana
consuetudine longissimè absuit, quanquam
rotis alligari, & in vertiginem rapi adhuc
consuetudo manet in Galliis, à Romanis
ne inducta, an à barbaris, incertum. Cæ-
terum, ut ad finem nunc feltinemus, Decius
cùm videret neque minis, neque tormen-
tis illos, ut Diis sacrificarent, compelli
posse, capite plectendos tandem præcepit,
Hoc enim Imperatorum consuetudine fieri
sciebat. Locus erat in medio fermè Lima-
gi, ubi hodie inclitum sacellum in urbe Ti-
gurina

gurina constructum est, patens aspectibus
 ex utraque ripa, lapis item positus, in quem
 puniendus una cum lictore ascendebat.
Qui hodie quoque illic ostenditur. Huc
 posteaquam ventum est, magno animo be-
 ati, oratione facta ad Deum, lictori cervi-
 cem cedendam præbuerunt: Porrò audita
 dicitur vox è cœlo: Venite benedicti Patris
 mei, percipite regnum, quod vobis para-
 tum est ab origine mundi. Sed ecce rem
 miram, quæ magna Dei opt. max. virtus
 in suis sanctis, surgunt jugulati, appre-
 hensis capitibus in alteram ripam deveni-
 unt; clivus erat in quo nunc Templū eorum
 Tiguri est, quadraginta à littore passibus,
 hunc continuo ascendunt, procumbunt,
 sepeliuntur, & aderant, qui idem factum
 fuisse Lutetiæ a Dionysio quodam dicerebant,
 neque enim è memoria hominum ingens
 miraculum aliquot secula delere potue-
 runt. Mansit fides in pluribus, qui miracu-
 la viderunt, nec ita multò post cùm res Chri-
 stiana melius habere cepisset, tota urbs
 sacra Christi suscepit. Deinde Carolus M.
 hos tres inter divos retulit, extructo, ut an-
 te diximus, magnifico Templo. Passi sunt
 tyrannidem tertio Id. Septembris An-
 à Christi natali, si Chronicis Eusebii cre-
 dimus, CCXC. Eodem enim anno Bu-
 Yyy 2 garida-